



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 96. Novum edictum Russinone promulgatum pro dilucidando pacis decreto.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

tur: porro sequenti Mense Martio Rex ^{Sæcul. XVI.}
 Regnum suum lustrare constituens, in ^{A.C. 1564.}
 hoc itinere Ruffinonem, urbem Tur-
 noniæ Familiæ propriam, Mense Junio
 venit, ubi eum Calvinistæ questum adi-
 bant, quod male haberentur, etsi ob
 pacis edictum ipsis non ita pridem con-
 cessum ab omni vexatione immunes
 esse deberent: ex adverso Catholici jure
 querebantur de Calvinistarum violenti-
 tiis, præcipue, quod obtenta conven-
 tus suos agendi libertate abuterentur.
 Hanc in rem Joannes Begatus
 Divionensis Consiliarius vir admodum
 clarus Regem eleganti oratione exci-
 piebat, eidem exponens, summopere
 periculosum esse, quod in eodem Re-
 gno duæ diversæ Religiones permitte-
 rentur: insuper etiam hac super re con-
 cinnabat apologiam, quæ tamen oppo-
 sito responso confutata fuit.

§. XCVI.

*Novum edictum Ruffinone promulga-
 tum pro dilucidando pacis
 decreto.*

Utriusque partis querelas ibi Rex ex-
 ceperat, seque satisfecisse arbitra-
 batur, si edictum, quod vulgo Ruffi-
 nonensis Constitutio vocatur, die quarta
 Mensis Augusti ederet, quamvis illa
 non nisi explicatio esset eorum, quæ in
 priori

*Recueil l. c.
 Thuan. l. 36.
 Art 10. de
 l'ord. de
 Ruffilon.*

Sæcul. XVI. priori edicto ambigua videbantur; hac
 A. C. 1564. enim re Rex Cancellarii Hospitalii con-
 filium sequebatur: itaque Rex in hoc
 edicto mentem suam explicabat his
 verbis: „Prohibemus omnibus Religio-
 „nis, quæ se falso reformatam dicit,
 „affectis, ut non Catholicos, & Ecclesia-
 „sticos quoad Divini Officii celebratio-
 „nem, aut veteres, solitosque ritus in-
 „terturbent, seu Cruces, vel Sacras
 „imagines infringant, nec Reliquas,
 „vel Ecclesiæ ornamenta diripiant, nul-
 „love pacto eosdem Ecclesiasticos præ-
 „pediant, quominus fructibus, suorum-
 „que beneficiorum redditibus frui, eos-
 „que percipere valeant: præterea in-
 „hibemus omnibus superioris justitiæ
 „Præfectis, cujuscunque conditionis
 „sint, ne ullum præfatæ Sectæ exerci-
 „tium sive in suis ædibus, prædiis,
 „aut arcibus permittant, vel fieri con-
 „sentiant, exceptis iis locis, ubi per
 „edicta, vel literas Regias id permissum
 „fuit, indicta quingentorum aureorum
 „pœna, quæ prima transgressionis vice
 „solvatur: altera vero legis violatio pu-
 „niatur proscriptione ejusmodi domo-
 „rum, arcium, vel prædiorum: insu-
 „per ipsis prohibemus, ne ad ejusmodi
 „cultum alios, quam suos subditos re-
 „cipiant, vel admittant, ni privilegio
 „per nostra edicta, & Regiæ declara-
 „tio-

tionis literas concessio fraudari velint: **Sæcul. XVI.**
 „porro quantum ad ceteros omnes, **A C. 1564.**
 „cujuscunque status, aut conditionis
 „sint, qui præfatam Reformationem
 „adulterinam profitentur sive in urbi-
 „bus ab ipsis usque ad septimum Mar-
 „tii diem, qua pax fuit conclusa, usur-
 „patis, sive in aliis civitatibus, præ-
 „cipimus, ut non aliam habeant suam
 „sectam profitendi libertatem, nisi juxta
 „normam ipsis per nostra edicta, ac de-
 „clarationes præscriptam, constituta in
 „transgressores quingentarum librarum
 „pœna, quæ prima vice solvi debet, se-
 „cunda autem vice castigatio corpora-
 „lis infligatur tam Auctoribus, quam
 „illis, qui intererunt. Præterea man-
 „damus, ut omnes corruptæ reforma-
 „tionis Ministri, qui extra loca ipsis
 „assignata, vel nostris edictis, & de-
 „clarationibus permessa ad populum
 „dicere, seu per alios prædicare, aut
 „quodcunque aliud Sectæ suæ ministe-
 „rium exercere præsumperint, exilii
 „pœna extra Regnum nostrum pro pri-
 „ma vice, pro secunda autem corpo-
 „rali punitione a nostris Judicibus ca-
 „stigentur, nec minus tam his, quam
 „ceteris omnibus hujus sectæ affeclis
 „sub iisdem pœnis prohibemus, ne cœ-
 „tus ad Synodorum speciem celebrent,
 „aut collectiones, vel pecuniarum ex-
 „actio-

Sæcul. XVI.

A.C. 1564.

„actiones quascunque indicere audeant
„insuper præcipimus, ut singuli quoque
„Sacerdotes, Monachi, & Religiosi
„Professi, qui vel ferventibus hisce tu-
„multibus, vel postea relicta status sui
„professione uxores duxerunt, eas sub
„carceris pœna relinquere, atque in
„sua Monasteria reverti teneantur, at-
„que ibidem assumpta rursus priori vi-
„vendi norma, aut juxta præfatam no-
„stram declarationem maneant, aut
„intra tempus a nostris Judicibus præ-
„figendum regno excedant, illis au-
„tem haud amplius, quam duorum
„Mensium spatium concedatur: se-
„cus vero specialiter triremium pœna
„in perpetuum inflicta, aut pro casuum
„diversitate adhuc graviori mulctentur:
„Moniales vero professæ, quæ aut ante
„præfatos tumultus, vel post illos spon-
„sionem Deo factam violantes nupte-
„runt, pariter suos Maritos relinquere,
„atque ad sua Monasteria redire com-
„pellantur, ut ibidem vel juxta nostras
„declarationes vivant, aut tempore su-
„pra præscripto e regno exulent, secus
„intra quatuor muros occlusæ asserven-
„tur. Hujus tenoris erat celebre illud
„Russionense edictum.

§. XCVII.